

**Tasiilami qimarnguimmik pilersitsinissamik periarfissat eqqartorneqarnissaat pillugu
Naalakkersuisut Kommuneqarfik Sermersuumut saaffiginneqqullugit
peqquneqarnissaannik Inatsisartut aalajangiiffisassaattut siunnersuut.**

(Inatsisartunut ilaasortaq, Laura Tàunâjik, Siumumeersumit saqqummiunneqartoq)

pillugu

Ilaqutariinnermut Peqqissutsimullu Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Tillie Martinussen, Demokraatit, siulittaasoq
Inatsisartunut ilaasortaq Agathe Fontain, Inuit Ataqtigiit, siulittaasup tullia
Inatsisartunut ilaasortaq Jess Svane, Siumut
Inatsisartunut ilaasortaq Laura Tàunâjik, Siumut
Inatsisartunut ilaasortaq Ineqi Kielsen, Siumut
Inatsisartunut ilaasortaq Ane Hansen, Inuit Ataqtigiit
Inatsisartunut ilaasortaq Mimi Karlsen, Inuit Ataqtigiit

UPA 2016-imi ulloq 21. april 2016 siullermeerinerup kingorna siunnersuut ataatsimiititaliamit erseqqinnerusumik misissorneqarpoq.

Siunnersuutip imarisaa siunertaalu

Tunami qimarngueqannginnera siunnersuuteqartup siunnersuuteqarnermigut tunngavilersuutigaa. Naak tamanna annertuumik pisariaqartinneqaraluartoq. Tasiilaq illoqarfiit anginerit arfineq aapparaat, Tasiilamili illuni perulluliornerit nalunaarutigineqartartut nunatsinni amerlanerpaat tulleraat. Taamaattumik Tasiilami qimarnguimmik pilersitsinissamut periarfissat pillugit oqaloqateqarnissaq siunertaralugu Kommuneqarfik Sermersuumik Naalakkersuisut saaffiginninnissaannik tapersorneqarnissaq siunnersuuteqartup kissaatigaa.

Siunnersuutip Inatsisartuni siullermeerneqarnera

Siunnersuummut akissuteqaammi arnat meeraallu persuttaaffiusuniit qimagutsinneqarnissaasa qulakkeerneqarnissaa siunertaralugu nunatsinni qimarnguuit arfineq marluusut naammanngitsut 2014-miit 2017-imut persuttaasernerup akiorniarneqarneranut periusissiami

aamma iliuusissatut pilersaarut Naalakkersuisut erseqqissaatigaat. Aammattaaq Naalakkersuisut erseqqissaatigaat qimarnguiit pillugit maleruagassat atuuttut naapertorlugit kommunit Nunatta Karsianut ingerlatsinermut tapiissutinik qinnuteqarnissamut periarfissaqartut.

Naalakkersuisut akissuteqaamminni oqaatigaat Tasiilami qimarnguimmik pilersitsinissaq pillugu Kommuneqarfik Sermersooq attaveqarfigineqareersimasooq, taamaattumik siunnersuut akuerineqassasooq inassutigineqarluni.

Siunnersuutip siullermeerneqarnerani Siumut, Inuit Ataqatigiit, Demokraatit, Atassut, Partii Naleraq attaviisorlu Naaja H. Nathanielsen oqaaseqaateqarput.

Aallartinneqartoq Tasiilamilu qimarnguimmik pilersitsinissaq siunertaralugu suliap ingerlatiinnarneqarnissaa **Siumup tapersersorpaa**.

Tasiilami qimarnguimmik pilersitsinissaq pitsaasorujussuurtut **Inuit Ataqatigiit** isumaqarfigaat. Persuttaasarneq inuiaqatigiinni annertummat aammalu illoqarfippassuit qimarngueqanngimmata Inuit Ataqatigiit oqaaseqaatiminni imaattumik allannguutissatut siunnersuuteqarput:

Illoqarfinni qimarngueqanngitsuni qimarnguinnik pilersitsinissanik periarfissat eqqartorneqarnissaat pillugu Naalakkersuisut Kommuninut tamanut saaffiginequllugit peqquneqarnissaannik Inatsisartut aalajangiiffigisassaattut siunnersuut.

Siunnersuutip akuerineqarnissaa kissaatigalugu **Demokraatit** oqaatigaat. Persuttaasarnerup annertunera nunatsinni ajornartorsiuteqarnermut ersiutaasooq, taamaattumillu persuttaasarneq akiorniarlugu iliuusissat pisariaqartinneqartut aammalu tarnikkut persuttaasarneq kiisalu qanoq persuttaasooqartarnersoq pillugit oqallinnissaq amigaataasut Demokraatit oqaatigaat. Taamaattumik persuttaasarnerit assigiinngitsut tamaasa tamatumalu kingunerisartagai ilungersunartut kiisalu kingunerluutigisartagai annertunerusumik pisortanit sammineqarnerunissaat Demokraatinit kisaatigineqarpoq. Persuttaasarnerup assigiinngitsorpasuit kiisalu imminut ikiornissamut pisariaqartitsineq pillugit innuttaasunik annertuumik paasititsiniaanissamik pisariaqartitsisoqartoq Demokraatit erseqqissaatigaat.

Siunnersuut akuerineqassasooq **Atassutip** inassutigaa, aammattaarli kommunit allat illoqarfiillu persuttarneqartartut illersorniarlugit qimarnguinnik pilersitsivigineqarnissaat pisariaqarsinnaammat oqaatigalugu.

Tasiilami qimarnguimmik pilersitsinissaq siunertaralugu kommunimik oqaloqateqarnermik Naalakkersuisut aallartitsisimmamata **Partii Naleqqap** naammagisimaarlugu oqaatigaa. Illoqarfinni allani qimarnguinnik pisariaqartitsiffiusuni pisariaqartitsineq pillugu

Naalakkersuisut kommunit allat suleqatigalugillu oqaloqatigissagaat Partii Naleqqap kaammattuutigaa. Inuiaqatigiinni persuttaasarnerup annertunera qimarnguinnik pilersitsinerinnakkut ajornartorsiutit qaangerneqarnaviannngitsut annertunerusumillu suliniuteqartoqartariaqartoq Partii Naleqqap ingerlaqqilluni oqaatigaa.

Attaviitsup Naaja H. Nathanielsenip siunnersuut ersarissumik tapersersorpaa, nunatsinnilu persuttaasarnerup ajornartorsiutaanera annertunerusumik eqqumaniarfigineqannginnera pingaarnertullu suliniuteqarfigineqannginnera eqqumiigalugu. Kommunit tamarmik persuttaasarnermut ersarissumik periuseqartariaqaraluartut oqaatigalugu.

Tamanna tunngavigalugu siunnersuut Ilaqutariinnermut Peqqissutsimullu Ataatsimiititaliami suliarineqartussanngorlugu innersuussutigineqarpoq.

Ataatsimiititaliap siunnersuummik suliarinninnera

Naliliinissamat pisariaqartitsineq aallaavigalugu pilersitsinissaq siunertaralugu siunissamilu Tasiilami qimarnguiup ingerlanneqarnissaanut Naalakkersuisut aamma Kommuneqarfik Sermersuup akornanni kinguneqarluartumik suleqatigiinnerup ingerlaannarnissaa Ilaqutariinnermut Peqqissutsimullu Ataatsimiititaliap tapersersorpaa.

Qimarnguimmik pilersitsinissamat Naalakkersuisoqarfiup akuliussinnaannginnera pillugu Kommuneqarfik Sermersooq ilisimatinneqarsimasoq akissuteqaammi ersarissumik oqaatigineqarmat Namminersornerullutilli Oqartussat nalunaarutaanni nr. 18, 8. december 2004-meersoq naapertorlugu Kommuneqarfik Sermersooq qimarnguinnut tapiissutinik qinnuteqarsinnaasoq ataatsimiititaliamit maluginiarneqarpoq.

Ilaqutariinnermut, Inatsisinillu Atuutsitsinermut Naalakkersuisoqarfimmit suliakkiissutigineqartumi nalunaarusiami 2013-imeersumi *Nunatsinni Qimarngueqarneq pillugu Allaaserisaq* Mælkebøttenimit suliarineqartumi arnanut persuttarneqarsimasunut qimarnguinnik arlalinnik pingaartumillu tunumi pilersitsisoqarnissaa kaammattuutigineqarpoq. Tamanna tunngavigalugu siunnersuutigineqartoq nalunaarusiamut malitseqartitsissutaasutut isigineqartariaqarpoq.

Qimarnguiit pillugit maleruagassiat aamma maanna ingerlatsinermut tapiissutit

Qimarnguiit pillugit maleruagassatut tunngaviit qimarnguiit pillugit Namminersornerullutik Oqartussat nalunaarutaanni nr. 18, 8. December 2004-mersumi, inersimasunut paaqqinniffiit immikkut siunertallit pillugit Inatsisartut peqqussutaat nr. 6, 28. april 1988-imeersumi inatsisitigut tunngavissinneqartumi atuarneqarsinnaavoq.

2016-imut Aningaasanut Inatsimmi qimarnguinnut atuuttunut Namminersorlutik Oqartussat ingerlatsinermut tapiissutaat konto pingaarneq 30.14.29-imi *Isumaginninnermi suliniutit*-ni allassimapput. Konto pingaarnermi 2016-imut qimarnguinnut aningaasaliissutit 2 mio. kr.-t

sinnilaarpaat (2.089.000). Ukiuni naatsorsuusiorfiusuni aamma taamaappoq, Tasiilami qimarngueqalersinnaanermut ingerlatsinermut tapiissutit suli ilanngunneqarsinnaasimangillat.

Qimarnguik sunaava?

Qimarnguiit pillugit nalunaarummi 2014-meersumi § 1-imi allassimavoq qimarnguiit ima paasineqassasut, *qimarnguiit tassaasut arnanut angutinulluunniit persuttagaasimasunut, persuttagaanissamik sioorasaarneqarsimasunut imaluunniit taamaaqataannik ilaqutariinnermut inooqatigiinnermulluunniit tunngatillugu ajornartorsiuteqartunut inissiigallartarfii*, qimarnguinni najugaqarnerup saniatigut siunnersorneqartarlutik, isumassorneqartarlutik allatullu ikiorneqartarlutik.

Qimarnguiit pillugit Nalunaarummi § 1 naapertorlugu angutitut qimarnguinnik najugaqarfinnulluunniit pilerisitsinissamut aamma periarfissaqartoq, ullumikkulli taamaattoqarnangimmat oqaatigineqassaaq.

Angutitut persuttaasarneq pillugu aamma angutit qimarngueqarlernissaannik pisariaqartitsineq angutillu ikorfartoqatigiit pillugit 2016-imi isumasioqatigiissitsinissamik ingerlatsisoqarnissaa eqqarsaatigineqartoq Ilaqutariinnermut, Naligiissitaanermut Isumaginninnermullu Naalakkersuisoq nalunaaruteqartoq ataatsimiititaliap maluginiarpaq. Suliniutigineqartoq tamanna ataatsimiititaliap tapersorpaa.

Nunatsinni qimarnguinni inissaaleqisitsisoqarsinnaasartoq tamatumalu kingunerisaraa persuttarneqarsimasut tamarmik inissamik neqeroorfigineqarsinnaasanninnerat eqqumaffigalugu siunnersuummik siullermeerinermi Ilaqutariinnermut, Naligiissitaanermut Isumaginninnermullu Naalakkersuisup oqaatigimmagu aammattaaq ataatsimiititaliamit maluginiarneqarpoq. Qimarnguinni inissanik pisariaqartitsineq pillugu pisariaqartitsinernik misissueqqissaarnernik ingerlatsisoqarnissaa nutarterisoqarnissaalu pisariaqartoq ataatsimiititaliaq isumaqarpoq.

Qimarnguiit aaqqissugaanerat

Soorlu siunnersuuteqartup oqaatigigaa nunatsinni illoqarfiit arfineq marluk qimarngueqarpoq. Taakku illoqarfinni makkunaniipput: Ilulissat, Aasiaat, Sisimiut, Nuuk, Paamiut, Qaqortoq aamma Narsaq.

Taakku saniatigut nuna tamakkerlugu qimarnguik katsorsaaviutigisoq Illernit Qeqertarsuarmiippoq. Nuna tamakkerlugu qimarnguik Qeqertarsuarmiittoq 2014-p naalernerani atornerqalerpoq 2015-imilu januarimi pisortatigoortumik ammarneqarluni. Nuna tamakkerlugu arnanik meerartalinnik persuttarneqarsimasunik Illernit tigusaqartarpoq. Illernit arnanut meerartalinnut qimarnguinnut pioreersunut atuisinnaangitsunut qimarnguittut katsorsaavittullu atuuppoq.

Qimarnguinnik pisariaqartitsineq.

Soorlu Naalackersuisut akissuteqaataannut - § 37-imut innersuussilluni siunnersuummi nassuiaatigineqareersoq inuiaqatigiinni persuttaasarnerup qimarnguinnilu inissat akornanni naapertuutinngitsoqarpoq.

Naalackersuisut 2014-miit 2017-imut persuttaasarnerup akiorniarneqarneranut periusissiaat aamma iliuusissatut pilersaarutaat suliallu ingerlanneqarneranut nalunaarussiaq ataatsimiititaliap ilisimavai. Aammattaq siunnersuummut akissuteqaat ataatsimiititaliamit tusaatissatut tiguneqarpoq, taamaaliornikkut qimarnguiit pioreersut ineriartortinneqarnissaat ilaatigullu qimarnguinni sulisut ilinniartinneqarnissaat qimarnguiillu pillugit naatsorsueqqissaarnernik suliaqarnissaq Naalackersuisunit qulakkeerniarneqarput. Nunatsinni persuttaasarneq annertoq eqqarsaatigigaanni suliniutigineqartoq tapersersortariaqarpoq tamannali naammangilaq. Inuiaqatigiinni persuttaasarnerup akiorneqarnissaata annertusisamik sammineqarnerulernissaanut ataatsimiititaliaq tapersersuivoq. Nunatsinni persuttaasarnermi naatsorsueqqissaarnerit ilungersunartut persuttaasarnepup akiorneqarnissaanut inuiaqatigiinnilu toqqissisimanermik pilersitsinissaq tamanillu kissaatigineqartutut ilaqutariinni toqqissisimasumik tunngaveqarnissaq immikkorluinnaq pingaartillugit suliniutigineqartariaqarput.

Arnanik assigiinngisitsisarnepup tamarmik atorunnaarsinneqarnissaanut Naalagaaffiit Peqatigiit isumaqatigiissutaannut (CEDAW) Kalaallit Nunaat 1983-imi ilannguppoq. Naalagaaffiit Peqatigiit Meeqqat pillugit Isumaqatigiissutaannut 1093-imi Kalaallit Nunaat ilannguppoq, taamaalillunilu inuiaqatigiinni meeqqat pisinnaatitaaffiisa piviusunnagortinneqarnissaanut pisussaaffeqalerluni. Isumaqatigiissutit ilaqutariinni toqqissisimanissamut tunngavissiiinissamut qulakkeerinnittussaapput, taamaattumillu persuttaasarnepup persuttaasartullu ataatsimoortinneqarsinnaanatik. Meeqqat inuusuttullu toqqissisimasumik avatangiiseqarnissaanut naalackersuinikkut kissaateqarnerup saniatigut Kalaallit Nunaat arnat meeqqallu immikkut illersorneqarnissaanut isumaqatigiissutitigut pisussaaffeqalerpoq. Tamanna Kalaallit Nunaanni sumiluunniit najuagaqaraluaanni tamanut atuuppoq.

Persuttaasarnepup assigiinngitsunut tamanut ersarissumik isumaqataannginnini ataatsimiititaliap attappaa. inuiaqatigiinni persuttaasarnepup minnerpaaffissaminiitinneqarnissaanik siunertaqartut kingunerisassaalu pillugit Naalackersuinikkut pingaartillugit suliniutigineqarnissaat ataatsimiititaliamit erseqqissaatigineqassaaq.

Persuttaasarnepup kanngutsaatsuliortarnerillu kusanaatsuliornerupput sakkortuut sianiilliornerullutillu. Persuttaasarnepup aamma taasuma sunniutai takussutissartarpassuisalu minnerpaaffissaminiitinneqarnissaat sapinngisamillu nungutinneqarnissaat ulluinnarni sulissutigisariaqarpagut. Persuttaasarnepup pissutaasut akiorneqarnissaat taamatutaaq pingaaruteqartigaq. Persuttaasarnepup suliniutit sunniuteqartariaqarput,

sunniuteqanngikkunimmi ilumoorunneqaratillu amerlavallaarnaviangillat. Persuttaasarnerup inuppassuit inuiaqatigiinnik ineriartortitsisussat suujunnaarsittarpai. Tamatuma peqaatigisaanik angerlarsimaffinni eqqissiviilliornerit inuiaqatigiinnilu persuttaasarnerit kiisalu tamatuma kingunerisaanik isumaginninnikkut ajornartorsiutit allat arlallit akornanni ersarissumik ataqatigiittoqarpoq, taamaattumillu persuttaasarneq akiorniarlugu iliussissat Naalackersuisut suliaassaanni tamarmiusuni pingaartillugit salliutinneqartariaqarput.

Nunatsinni qimarnguiit aammalu inuiaqatigiit kalaallit akornanni persuttaasarnerup sammineqarnerulernissaannut siunnersuummik suliaqarnissaminut ataatsimiititaliaq pissutissaqarluarpoq.

Persuttaasarneq akiorniarlugu 2014-imiit 2017-imut Naalackersuisut periusissiaat iliussissatullu pilersaarutaata imarisai ataatsimiititaliamit iluarisimaarneqarput, taamaattorli Naalackersuisunut ima innersuussinissamut tunngavissaqartoq isumaqarluni:

- Nunatsinni qimarnguinnik pisariaqartitsinerup Naalackersuisunit qulaajarneqarlunilu qaffassarneqarnissaat, inissanillu pisariaqartitsineq qanoq annertutiginersoq paasiniarlugu. Kisitsisitigut paasissutissanik Naalackersuisut maanna katersisut ataatsimiititaliap maluginiarpaa aammalu qimarnguinnit paasissutissat katersorneqartut takunissaat quilanaarlugu.
- Qimarnguinni sulinerup tapersersorneqarnissaannut ersarinnerulernissaannullu Naalackersuisuni ataqatigiissaakkamik sulisoqarnissaa.
- Qimarnguinnut neqerooruteqarnermi assigiiaamik sulinermi atugaqartitsisoqarnissaa periuseqartoqarnissaalu Naalackersuisut qulakkiissagaat. Tamatumunnga atatillugu ataatsimiititaliamit immikkut oqaatigineqassaaq paasissutissiinermi, ilitersuussinerni siunnersuinernilu atortussanik kalaallisut peqarnissaaq Naalackersuisut qulakkiissagaat, taamaaliornikkut qimarnguinniinnerni annersaasarnermut tamatumalu malitsigisartagai assigiinngitsut pillugit ilisimasaqarfigineqarnerulersinnaaqullugit, tamatuma kingunerisaanik nammineq inuunermi atukkat nukittorsarlugillu aqunneqarnerusinnaaqullugit. Periuseq imaluunniit isumassarsiat tunngavigalugit “imminut ikiorsinnaalernissamut ikiuunneq” salliutinneqassasoq kissaatigineqarpoq, taamaallilluni persuttarneqarsimasut nittartakkani, kommunit allaffiini assigisaanilu paasissutissanik ujarlersinnaaqullugit.
- Inuiaqatigiinni annersaasarnerup qanorluunniit ittuq akiorneqarnissaanut Naalackersuisut aalajangersimanerunissaat ersarinnerunissaallu.
- Annersaasarnermut kommunit periusissiaasa suleriesissaasalu akuerineqarnissaannut ikiuunnissaq siunertaralugu Naalackersuisut kommuninik oqaloqateqassasut.

Ataatsimiititaliap suliaqarnerani kiissalu siunnersuummik siullermeerinninnermi oqaaseqartartut ataasiakkaat partiillu siunnersuummik matuminnga sukumiinerusumik suliaqarnerannik kinguneqarluartumik atorluarneqarsinnaasumillu ilanngussaqaqarnermikkut persuttaasarnermullu suliniutinik innersuussinerit aallaaveqarput.

Siunnersuutip aningaasatigut kingunerisassai

Inatsisartut suleriaasiani § 33, imm. 1-imi allassimavoq, aalajangiiffigisassatut siunnersuutip piviusunnigortinneqarnissaanut aningaasaqarnikkut aamma allaffissornikkut kingunerisassat siunnersuummut tunngavilersuummi allaaserineqassasut.

Siunnersuutip piviusunnigortinneqarneratigut aningaasatigut kingunerisassat tamatumunnga naapertuuttut ataatsimiititaliamit tusaatissatut tiguneqarpoq. Tamannalu ima pivooq:

Aalajangiiffigisassatut siunnersuutip inernerissavaa, Naalakkersuisut peqquneqassammata Kommuneqarfik Sermersooq saaffigeqqullugu. Saaffiginninertaa immikkut aningaasartuuteqartariaqanngilaq, kisianni soorunami neriunarpoq saaffiginnissut tunngavigalugu Tasiilami qimarnguimmik pilersitsisoqassasoq.

Namminersornerullutik Oqartussat nalunaarutaanni nr. 18 decemberip 8-ni 2004-meersumi, § 7 naapertorlugu qimarnguiit Nunatta Karsianiit ingerlatsinermut qinnuteqarlutik tapiiffigeqqusinnaapput. Aningaasanut inatsisissatut siunnersuutip pilersaarutaanni kontomi pingaarnermi 30.14.29-mit takuneqarsinnaavoq inunnik isumaginninnermut siunertanut (ingerlatsinermut aningaasartuutinut) tapiissoqarsinnaasoq, tamatumani aningaasatigut ingerlatsinermi pilersaarummi aningaasartuutaasussat affai tikillugit tapiissoqarsinnaavoq.

Pissutsit piviusut naapertorlugit qimarnguiit Kommuninit Namminersornerusunillu 50-50%-imik aningaasalersorneqarput.

Qimarnguiit arfineq-marluusut qiviaraanni taakkunani marluk ingerlatsinermut aningaasartuutaat 500.000 kr. ataaniipput, aammalu allat tallimat 500.000 kr. aammalu 1.000.000 kr. ukiumut ingerlatsinermut aningaasartuuteqarlutik. Tamakkua tunngavigalugit naatsorsuutigivara, Tasiilami qimarnguissaq ingerlatsinermut aningaasartuutai ukiumut 500.000-800.000 kr. missaanniikkumaartut.

Oqaatigineqartut ataatsimiititaliamit tusaatissatut tiguneqarput.

Ataatsimiititaliap allannguutissatut siunnersuutaa

Naak siunnersuut ilusimisut iluseqartoq ataatsimiititaliamit tapersorsorneqaraluartoq siunnersuummut tassunga erseqqissaatitut allannguutissatut siunnersuuteqarnissamut ataatsimiititaliap erseqqissaassuteqarnissaminut pissutissaqarsorivoq, taamaaliornikkut

qimarnguinnik pilersitsinissamut periarfissat pillugit Naalackersuisut
 siunnersuutaappaartumut ilassutitut kommuninut tamanut assigiiaamik
 siunnersuisinnaaqqullugit ilitersuisinnaaqqullugillu. Tassunga atatillugu
 erseqqissaatigineqassaaq illoqarfiit arlallit qimarnguinnik amigaateqarmata.
 Illersuisinnaanerisa toqqissisimanartuunerisalu saniatigut annersaasernerup
 akiorniarneqarneranut qimarnguiit najukkani suleqataasarput. Nunatsinni qimarnguiit
 siunnersuisarnermikkut paasissutissiisarnermikkullu atuisut ilitersuutinik
 paasinninnerulernermillu tunisarpaat, inuttut, pinaveersaartitsinermi najukkanilu
 annersaasernerup pinaveersaartinneqarneranut atorneqarsinnaasunik.

Inuit Ataqtigiit allannguutissatut siunnersuutaanni immikkuualuttut siunnersuummut
 naapertuussarneqarnissaat siunertaralugu ataatsimiititaliaq isumaqtigiittoq allannguutissatut
 siunnersuummik imaattumik saqqummiussivoq:

**Kommunini tamani persuttarneqarsimasut katsorsartinnissamik periarfissaasa
 annertusarneqarnissaannik pisariaqartitsinermik misissueqqullugit kiisalu
 persuttaasarerit akiorniarlugit iliuusissat siammarterneqarnissaat immaqalu
 illoqarfinni qimarngueqanngitsuni qimarnguinnik imaluunniit
 persuttarneqarsimasunut persuttaasartunik inooqateqarunnaarnissamik
 kissaateqartunut neqeroorutinik allanik pilersitsiniarnermik ikorfartuinissaq
 siunertaralugu aammalu siunnersuinissaq ilitersuinissarlu siunertaralugit kommuninut
 tamanut saaffigineqqullugit Naalackersuisut peqquneqarnissaasa saniatigut Tasiilami
 qimarnguimmik pilersitsinissamut periarfissat oqaloqatigiissutigineqarnissaat
 siunertaralugu Kommuneqarfik Sermersuumut saaffiginninnissamik Naalackersuisut
 peqquneqarnissaannik Inatsisartut aalajangiiffigisassaattut siunnersuut.**

Inoqarfiusuni tamani qimarnguinnik pilersitsisoqarsinnaanera piviusorsiortuugunangitsoq
 ilassutigalugu ataatsimiititaliaq oqaatigissavaa, akerlianilli innuttaasut
 persuttarneqarsinnaanermut illersorneqarnissamut pisariaqartitsisut
 tapersersorneqarnissaannut inuiaqtigiit pisussaaffeqarput, taamaaliornikkut taakku aamma
 toqqissillutik peroriartorlutillu toqqissisimasumik inuusinnaaqqullugit. Nakuusernermik
 ajornartorsiuteqarneq piujuartillugu nakuuserarnermut pinaveersaartitsiniutitut suliniutit
 pingaanginnerusunngortinneqassanngillat. Akerlianilli nakuusernermut
 pinaveersaartitsiniutitut suliniutit aalajangiusimassavavut, taamaaliornikkut siunissami
 inuiaqtigiinni nakuuserarnerup annikilliarturnera ilutigalugu qimarnguinnik
 pisariaqartitsineq annikilliarturneqarsinnaassamat. nakuuseriaatsit
 assigiinngitsorpasuit takussutissartallit akiorniarlugit suliniutit
 aalajangiusimaannarneqarnissaat assut pingaaruteqarpoq.

Inuit Ataqtigiit ilanngullugu oqaatigissavaat qimarnguiit imminut pigisutut ingerlanneqarunik persuttarneqarsimasut katsorsarneqarnissaannut periarfissiinissamut peqquneqarsinnaanngimmata.

Persuttarneqarsimasut katsorsarneqarnissaannut periarfissat annertusarneqarnissaat Naalakkersuisut nakuusertarneq pillugu periusissiaannut atavoq.

Pissutsit qimarnguinnik ingerlatsinermut aningaasartuutitut katsorsartinnissamullu periarfissanut tunngasut assigiinngitsorujussuupput immikkoortisimaneqartariaqarlutillu.

Ataatsimiititaliap inassuteqaataa:

Ataatsimiititaliap allannguutissat siunnersuutaa akuerineqassasoq aammalu siunnersuutaaqqaartoq Inuillu Ataqtigiit allannguutissat siunnersuutaat itigartinneqassasut ataatsimiititaliap inassutigaa.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.

Tillie Martinussen
Siulittaasoq

Agathe Fontain

Jess Svane

Laura Tàunâjik

Ineqi Kielsen

Ane Hansen

Mimi Karlsen